



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm II. Si Sacerdos.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

- seculare innuocare debet.*
5. *Eiusdem officij est, ad petitionem Magistratus secularis subditos eius contumaces per censuras ad obedientiam compellere.*
  6. *Secularis Magistratus requisitus ab Ecclesiastico, si renuat ferre auxilium, censuram ad hoc cogi potest.*

ris, se mutuò adiuuare debent, vti Gl. hic monet, ver. publicum argum. c. cum ad verum, d. 96.

Corollarium: *Aequitas postulat, vt Iudex Ecclesiasticus, ad petitionem magistratus secularis subditos eius inobedientes, & contumaces per censuras ad obedientiam cōpellat; sed facta prius fide, & exhibito processu, vt crimen contumaciae appareat: Secularis autem Iudex, requisitus ab Ecclesiastico vt subsidium afferat pro sententiæ suæ executione, si renuat, etiam censuram cogi potest, secundum Gl. cit. quam hic sequitur Innoc. & Abb. n. 11. & sumitur ex c. vt inquisitionis, 18. §. prohibemus, de hæret. in 6. Neque potest Iudex secularis processum iudicij ab Ecclesiastico petere, si crimen mere Ecclesiasticum sit, vt hæresis: cum de tali criminе nec directè nec indirectè cognoscere possit, sed post latam à Iudice Ecclesiastico sententiam, meram executionem sibi demandatam habet, vti constat ex cit. §. prohibemus, & explicat Abb. cit. n. 11. & 12. Prosp. Farinac. tract. de hæresi, q. 186. §. 9. Secūs verò est, si in alio crimine deprehensus Clericus tradatur Iudicij seculari, ita vt efficiatur de foro seu iurisdictione eius, vti tradit Abb. hic. n. 12. Id verò non placet, quod idem ait n. 167. 168. Iudicem secularē compelli posse ad exequendam Iudicis Ecclesiastici sententiam, tametsi notorium sit, eam iniustam & irritam esse. Vide quæ dixi in tit. de Iudice delegato.*

## CAPITVLUM II.

### Si Sacerdos.

#### PARAPHRASI.

Si Sacerdos pro certo sciat (notitiā occultā) aliquem esse criminis reum: vel si ex sacramentali confessione cognovit, non debet illum nominatim arguere in publico; sed indeterminatè, sicut Christus dixit: *Vnus vestrum me tradidurus est*, Matth. 20. Præterquam, si judicario ordine crimen probatum fuerit Sacerdoti. Deinde,

Ssss 3      si 15

si is, cui damnum illatum est, petat sibi iustitiam administrari, non prohibetur Sacerdos ( qui iurisdictione praeditus est, v.g. Vicarius Episcopi ) auctorem damni per sententiam generalem ac indefinitam excommunicare; non obstante quod illum ex confessione nouerit: sed nominatum non potest eum à sacra communione remouere, quandoquidem eius crimen fecit non vt Iudex, sed vt Deus; id est, Dei locum tenens. Quamobrem neq; Christus Iudam à communione remouit. Debet tamen eum admonere, ne se Sacramentis ingerat.

## SUMMARIUM.

1. Crimen alterius aliquis nosse potest tribus modis, vt persona priuata, vt publica, à populo vel magistratu constituta in foro externo iudicij; & denique vt Vicarius Christi, seu vt publica persona à Deo constituta in foro pœnitentia.
2. Crimina occulta cognita, in occulto corripi debent.
3. Prelatus criminis ex confessione sacramentali cognito, potest accusationem, vel denuntiationem contra criminosum admittere, & coniunctum vel confessum in foro externo punire.
4. Interrogatus de delicto ex sola confessione cognito, potest etiam iurare se nescire, scilicet, vt personam priuatam, vel ut reuelare sibi liceat.
5. Peccatori ex sola confessione cognito negari nequit etiam secreto petenti Eucharistia, vel aliud sacramentum.
6. Quā cautelā loquendum in publica concione de criminibus in confessione sacramentali cognitis.
7. Confessarius in ipsa Confessione monere debet peccatorē indispositum, ne ad SS. Eucharistiam sumendam accedat.
8. Potest excommunicari per sententiam generalem occultus auctor illati damni ab eo, cui crimen confessus est.

**N**O T A N D V M I. Tribus modis potest aliquis crimen alicuius nosse: Pri-

mò, vt persona priuata: Secundò, vt Iudex, seu vt persona publica, à populo, vel magistratu constituta in foro externi iudicij. Terziò, vt Vicarius Christi, seu vt persona publica à DEO constituta in foro pœnitentia, nota hic Abb. n. 4.

**N**O T A N D V M I I. Crimina, quæ occultè cognoscuntur, in occulto corripi debent, non in publicum euulgando, qua de re distil. 3. Th. mor. tr. 3, vbi de denuntiat. fiat.

**N**O T A N D V M I I I. Si Prelatus crimen ex confessione sacramentali cognoverit, non ideo prohibetur accusationem, vel denuntiationem contra criminosum admittere, & coniunctum vel confessum in externo foro punire: dummodò hæc aliunde haulta criminis cognitio nullo modo adiuvetur ex nouis fori pœnitentialis. Ita ex communi docuilib. 5. Th. mor. tr. 6. c. 14. n. 3.

**N**O T A N D V M I V. Si Confessarius interrogatur de alterius delicto, quod ex sola confessione cognovit, dicere, imò iurare potest, se nescire, videlicet vt personam priuatam, vel eo modo, vt reuelare ipsi liget; quamvis fecit, vt persona publica, seu vt Vicarius Dæi sub sigillo sacramentali. Ita ex communi docuilib. 4. Th. mor. tr. 3. c. 1. n. 6. §. interim.

**N**O T A N D V M V. Peccatori ex sola confessione cognito non potest Sacerdos Eucharistiam, alitudine sacramentum pœnitenti negare. Idque verum est, tametsi peccator secreto petat sacramentum: eò quod denegatio hæc tacitam peccati ex confessione cogniti exprobationem contineat, vii ex probabiliore dixi lib. 5. Theol. mor. tr. 4. c. 6. n. 10.

Dubitatur primò: Verūmne sit, quod in hoc c. dicitur, Sacerdotem, si peccatum alicuius in confessione cognoverit, posse eum indeterminate, ac nulla nominata persona, arguere? Item, quod in fine c. dicitur, vt Sacerdos seu Confessarius admonere peccatorē, ne se sacramentis ingerat. Nam talis admonitio exprobationem peccati cōtinet, à qua Confessarius abstinere debet, ne confessionem odiosam reddat. Ad I. resp. Quid Confessarius pro publica concione non prohibe-

qui inueni generatim in criminis, quae ex confessione sacra cognovit: ita tamen, ut nemo meritum suspicari possit, aliquem in particulari fugillari. Sed nec generatim dicere potest, talia in ciuitate aut pago committi peccata, si ex confessione cognita, & alias notoria non sint. Ad II. resp. Quod Confessarius in ipsa confessione monere debet peccatorem, ne ad sacram Eucharistiam accedat, si dispositus non sit, ut absolutionem a peccatis mereatur. Deinde, si crimen in publico notorium existat, v. g. Presbyteri cades, sed auctor ignotus, qui peccatum Sacerdoti confessus est; non prohibetur is pro concione admonere auctorem indeterminatè, ut ad Sacramenta non accedat, qui hoc crimen commisit, nisi Deo & Ecclesiae, quatenus oportet, satisficerit.

8. Dubitatur secundò: Quo paecto intelligendum sit, quod dicitur, Sacerdotem (si iurisdictione in foro externo praeditus sit) pecente læso, posse excommunicare occultum auctorem illati damni, non obstante, quod ipsi crimen confessus fuerit. Respond. Intelligentidem id videtur de excommunicatione per sententiam generalē, nisi intra certum tempus iniustus raptor v. g. rem ablatā restituuerit, ut ipso facto excommunicationem incurat. Quade re dixi lib. i. Th. mor. tr. 5. p. 1. c. 2. n. 2. §. censura.

## CAPITVLVM III.

## Cùm ab Ecclesiarum.

## PARAPHRASIS.

Si inferior Prælatus sententiam excommunicationis aut interdicti, ex rationabilis causa tulit in clericos, vel laicos sua spirituali iurisdictioni subiectos, Episcopus curare debet, ut censura illa iniuiolabiliter obseruetur, neque potest eam relaxare, sine præscientia auctoris, & ante præstitionem congruam satisfactionem.

## SUMMARIUM.

1. Explicatur regula: Superior Prælatus

relaxare potest censuram latam ab inferiore.

2. Episcopus in iurisdictione erga subditos concurrens cum inferiore sibi subordinatus, licet absolute loquendo, possit excommunicatos, aut interdictos ab inferiore Prælato absoluere, si tamen excommunicatione rationabiliter lata sit, non decet eum hac potestate vivi, nisi prius auditio Excommunicatore, & debitè præfittà satisfactione.
3. Excommunicatum ab Episcopi Vicario, vel alijs ab eo delegatis, & ad nutum illius amabilibus, potest Episcopus arbitratu suo absoluere.
4. Parochi de iure communi censuras ferre non possunt.

**E**xplianda hinc est regula, quam cum Gl. hinc ver. non relaxes, docet Abb. hinc n. 9. S. Th. in 4. d. 18. q. 2. a. 5. Palud. ibid. q. 5. a. 2. Syl. ver. absolutio 2. in. princ. Couar. in c. alma. p. 1. §. 12. n. 2. Suar. de censur. disp. 5. Quod superior Prælatus relaxare possit censuram latam ab inferiore. Id vero intelligi debet de ijs superioribus Prælatis, qui iurisdictionem obtinunt in ipsis censuram ligatos, & non tantum in excommunicatorem.

Ob cuius conditionis defectum Archiepiscopus absoluere non potest excommunicatos a Coepiscopis; cum in subditos eorum iurisdictionem non obtineat, nisi ad ipsum appellatum sit, c. Romana, 3. de appell. in 6. & rotat Host. in sum tit. de sent. excom. §. 12. v. est & alia regula. Consequenter, si alicubi cōsuetudine præscripta introductum sit, ut Archidiaconus v. g. iurisdictionem exerceat in Clericos sibi subiectos, excluso Episcopo, ita ut Episcopus immiscere se non possit, tunc Episcopus excommunicatos ab Archidiacono absoluere nequit, vti recte docent Palud. Cou. Syl. cit. ll. argum. c. dilecto, 10. de offic. Archidiaconi; & c. auditio, 15. de præscript. vbi Abb. n. 4. notandum esse ait, quod totum ius Episcopale ab inferiore contra Episcopum præscribi possit.

Atque sic et de iure, seu consuetudine in praxi obseruantur, ut excommunicatos à Pre-